

Eguzkitza (Euzkitza)



ETXEZARRETA ERASO familia

EUZKITZA Elbarrena auzoko baserria da. Joan Joxe Etxezarretaren gurasoak, Etxezarreta Amundarain familia, Aramatik etorri zen Zaldibira bizi izatera, baina *Euzkitzara* joan aurretik, *Zelea-rreren* eta *Agotxanen* bizi izan ziren.

Hurrengo belaunaldian, 1950ean, Euzkitzako seme Joan Joxe Etxezarreta Ildefontsa Erasorekin ezkondu zen. Ildefontsa Eraso Aresoko *Urkiola* baserrikoa zen. Lezon ezkondu ziren eta Donostian egin zuten otordua. Handik ezkontza-bidaia Madrilera, orduko Talgoa estreinatuz.

Euzkitzakoei Zesteronekoak ere esaten zaie, Joan Joxe Etxezarreta eta haren aurrekoak ere zestogi-leak zirelako.

Maizter bizi izan dira bertan, eta etxejabea *Konfite-riko* Joan Joxe Lasa zen. 1960an obrak egin zituzten baserrian eta zorua berritu zuten.

Bi seme-alaba izan zituzten: Miren eta Pello.

Oinez herriko plazatik ordu laurdena dago. Serapio Mujikak dioenagatik, 1865ean egin zen Ordiziatik Zaldibira bitarteko bidea. Fabrika Handira joaten, berriz, ordu erdi bat behar da. Joan Joxe Etxezarretak Fabrika Handian lan egin izan zuen beti, baita ezkon aurretik ere.



Pasadizoak

Soldatu pilotaria

Martin Etxezarreta, Joan Joxe Etxezarrearen anaia, soldatu Galiziara eraman zuten, Santiagora, eta bertan pilotari profesional ibili zen, Galizian, Santanderren, etab.

Kamelia saridunak

Martin Etxezarreta Galizian "pazo" izenez ezagunak ziren jauregi-etxe bateko lore-zain ere izan omen zen eta han bertan kamelia ekoizten espezializatu omen zen eta sari asko jaso ere bai.

Informazio emaillea:
Miren Etxezarreta



ETXEZARRETA ERASO familia. 1950
Ildefontsa Eraso eta
Joan Joxe Etxezarreta.

ETXEZARRETA ERASO familia. 1972
Ildefontsa (ama), Miren,
Pello eta Joan Joxe (aita).